

北京圖書館出版社

蔡鎮楚 編

中國

話本叢書
詩本叢書

珍




蔡鎮楚 編

北京圖書館出版社

中國詩話珍本叢書

13



第十三冊目錄

豫章詩話(明·郭子章撰)		一
余山詩話(明·陳繼儒撰)		三五
作詩體要(明·楊良弼撰)		四三
詩法要標(明·吳默 王楨輯)		五四
龍性堂詩話續集(清·葉矯然撰)		六六

豫章詩話序

青螺先生侔來自黔以黔艸見寄
先生宦轍所至必有譔著黔艸者
則今撫黔中諸作也又以未刻豫
章詩話見寄且屬一言弁其端余
自媿欸啓寡聞而可授簡先生耶
則念當播齒之匪茹而逆我

王師也三省騷然而黔更無備

朝廷推轂先生由閩伯往撫而膺鉞
鉞之

命夫以兵食兩虛之地如黔者而抗
雄張之寇謂當目不交睫衣不解
帶猶將弗及是懼乃先生乘雲騁
風坐帷帳而鞭撻之方畧指授折

衝無前不數月而累百年逋誅之
酋一朝授首俘孥梟俊蕩掃巢穴
若撥釁而事有當聞于

朝者有當移于隣境者有當檄于屬
國者有當昭告于鬼神者口占手
揮文不加點若馳駿而又用其餘
晷以游息于篇章凡登臨讌集感

遇靡不有紀有味凡有叩而請者
靡不有應不少遜于楚于越于閩
蜀時而至于詩話一編雖未必盡
出于黔然而成於黔也夫子謂有
武事者必有文備此豈特緩帶橫
槊者儔哉詩話而曰豫章者其人
豫章之人也不然則其與也不然

則宦而遊過而登覽者豫章之山川也網羅見聞拱柙今古運之以卓識眇論而一于詩乎發焉大都人是先而詞次之或累牘而未卒或數言而已殫靡不具有指歸焉余諷之再過竊謂此非徒說詩也者蓋詩史也昔少陵之詩忠懷剴

切敷陳時事世以史目之爲其事
之覈也先生之詩話詞不拘拘于
月露音不察察于宮商榘矱是繩
文獻具在故余謂之史者爲其論
之正也事覈則考時徵事者取衷
焉論正則稽品論世者取衷焉夫
謂之史不亦宜乎歐陽永叔之在

汝陰也有詩話一卷事新詞鬯實
爲貢父輩顏行然意在快耳賞心
且作于閒居暇豫時先生所著則
揚芬採實有裨觀刑非徒爲齒吻
助而又成于戎務紛拏之日詩不
云乎文武吉甫萬邦爲憲古之立
大功者勝算前定神閑氣逸以故

不廢文事而勲伐爛然此告甫之
文吉甫之所以爲武也先生以之
矣憶往歲從遊閩藩側聞格物之
論獨悟玄旨一日出所著豫章志
數卷視余謂漢之豫章卽秦之九
江城邑名目更易不常隸屬互異
故其蒐輯爲最難余旣卒業則嘆

考校翔實筆削精密得夫子春秋
家灋今又數年矣其本當在青原
白鷺間詩話者豈又是書之夏肄
耶夫春秋傳成爰有國語西京書
就雜記亦行其類是耶非乎則以
質諸左伯莆田吳公公曰然因命
之剡氏刻成比余言爲前茅以

復先生若夫罄名山之藏而盡讀
之則請俟異日

萬曆壬寅歲孟夏之吉舊寅侍教
生姑胥張鼎思頓首拜譔



豫章詩話卷一



泰和郭子章相奎父著

莆田吳獻台啓袞父校

長洲張鼎思睿父同校

紫霄峯在廬山之西昔禹刻石在石室中極深險曩
有好事者縋而下摹得百餘字皆不可辯僅有鴻荒
漾余乃攢六字可識朱文公詩此日登高處千巖錦
樹稠無人嘲落帽有客賦悲秋忽忽塵中老匆匆物
外遊江湖空極目不盡古今愁予謂石室六字實開

豫章萬世文字之祖與衡山禹刻並大域中

秦末匡廬尋真觀溪中磐石上有玉簡天篆曰神化
靈溪金簡標題真人受旨玉簡潛栖予謂此篆爲豫
章玄教之祖廬山之匡龍虎之張百山之許閣阜之
葛玉笥之蕭其所從來遠矣

巖下老人不詳姓名及何許人漢武帝南浮大江過
彭蠡詔舉逸民時老人龐眉皓髮處于巖下左右強
以應詔老人曰堯仁如天孤雲自飛一水一石臣之
祿也帝曰卿不願仕乎曰簪纓縉笏束身王朝其如

舊山之雲何帝悅乃從其志厚禮遣之予謂堯仁如
天孤雲自飛簷纓縉笏束身王朝皆有四言古意惜
老人姓名不傳耳徐橋陶柳遠公逸民得亡聞老人
之風而興起乎

晉令曰車駕出入相風前引晉陶侃相風賦曰乃有
相風之爲形也終日九征桀然特立不邪不傾擬雲
閣以秀出晞峻嶺於層城直南端以基趾雙崇魏之
嶢崢象建木於都廣邈不羣而獨榮朴雖小而不巨
何物鮮而功大眇翩翩以高翔象離鵠於雲際擢孤

莖而特挺若芙蓉於水裔若乃華蓋警乘奉引先駟
豹飾在後歲絺清路百僚允則彰我皇度

豫章行豫章邑名漢南昌縣隋爲豫章有豫章江江
連九江有釣磯陶侃少時嘗宿此夜聞人唱聲如量
米者訪之吳時有度支於此亡今考傳玄陸士衡輩
所作多敘別離怨恨思卽知豫章昔爲華艷盛麗之
區耳至唐杜牧詩尚過稱其侈靡焉

江西詩派當以陶彭澤爲祖呂居仁作詩派宗黃山
谷此就宋一時詩家言耳黃跋淵明詩卷曰血氣方